



Uunga: Aleqa Hammond, Nunatta Qitornai

**Pineqartuq: UPA 2019/25-mut tunngatillugu apequtigineqartup
akineqarnera: Inatsisartut aalajangiiffigisassaattut siunnersuut
Namminersorlutik Oqartussat ilalissagaat piginneqqaartussaataaneq
pillugu inatsisip Kalaallit Nunaanni atortuulersinneqarnissaa Kunngip
peqqussutaatigut**

23-04-2019
Suliap nr. 2016 - 12596
Allakkat nr. 10449581

Postboks 1029
3900 Nuuk
Oqarasuaat: : +299 34 50 00
Email: ikiin@nanoq.gl
www.nanoq.gl

Siunnersuutip siuliani pineqartup siullermeerneqarnerani neriorsorneqarputit piginneqqaartussaataaneq pillugu peqqussutit nunani allani atorneqarnerani maleruagassat unioqputinneqarnerannut tunngatillugu apequtigisimasatit allakkatigut akineqarumaartut.

Akissut

Piginneqqaartussaataanermit inatsimmi ilaatigut piginnittussaataasut namminneq suliaminnik atuisinnaanerit, tamannalu aqutigalugu suliat aqutigalugit aningaasanik iluanaarsinnaanerit, siunertarineqarput.

Ullutsinni suliat nunat killeqarfii apeqputaatinngit atorneqakkajuttarput, matumanilu assersuutigalugu atuakkat oqaatsinut allanut nutserneqartarput nunanilu allani tuniniarneqartarlutik. Kalaallilli piginneqqaartussaataanermit inatsisaat nunani allani unioqputitsinernut illersuinngilaq. Piginneqqaartussaataaneq pillugu peqqussummi maleruagassat unioqputitsinernut, tunniussinernut allanullu Kalaallit Nunaanni pisunut tunngatillugu taamaallaat atorneqarsinnaapput.

Tamatumalu kinguneranik piginneqqaartussaataanermit maleruagassat aatsaat nunani tamalaani arlaatigut atuutsinneqarpata atuuffissaminnut atorsinnaassapput.

Taamaammallu sivisuumik ileqqusimavoq piginneqqaartussaataanerup nunani tamalaani atorneqarsinnaanera qulakkeerniarlugu. Tamannalu pisarpoq nunat amerlanerpaartaasa akunnerminni isumaqatigiissusiornerisigut, matumanilu piginneqqaartussaataanermit amerlanertigut imminnut assingusunik inatsiseqartitsinikkut pisussaaffiliisoqartarluni. Taamaaliornikkut piginneqqaartussaataaneq aqutigalugu nunat innuttaminnut illersuinissaminnut pisussaaffilerneqarput. Tassunga atatillugu Bernerkonventionen taaneqarsinnaavoq, tassanilu nunap iluani inatsisinut piomasqaatinik minnerpaaffiliisunik arlalinnik piomasqaarnerup saniatigut tamakku aqutigalugit eqqumiitsuliortut nunani allani illersorneqarput, matumanilu eqqumiitsuliarineqartup sananeqarneranit aallartittumik illersorneqalertarlutik.

Tamannalu isumaqarpoq piginneqqaartussaataaernermit illersuineq nunap nammineq inuinit kisimi atuutissanngitsoq, kisiannili aamma inunnut allamiunut atuutissasoq. Kalaaleq eqqumiitsuliamik pilersitsisoq assersuutigalugu Danmarkimi danskit piginneqqaartussaataaernermit inatsisaat malillugu illersugaavoq aamma Tysklandimiippat imaluunniit Tuluut Nunaanniippat nunat taakku piginneqqaartussaataaernermit inatsisaat assingusut malillugit illersorneqartussaallutik.

Tamakku tunngavigalugit Piginneqqaartussaataaneq pillugu inatsimmi suliat, illersorneqarput Nunatsinneersuunerat imaluunniit nunanit allaneersuunerat apeqqutaatinnagu, pingaarnertullu naatsorsuutigineqassaaq kalaallit suliaat aamma nunani allani illersorneqarnerat. Taamaalillunilu assersuutigalugu danskit, tuluit, franskit, amerikamiut nunallu allat piginneqqaartussaataaernermit inatsisaat naapertorlugit illersuisoqarpoq. Nunami pineqartumi piginneqqaartussaataaernermit inatsit unioqqutinneqarpat akiliisitsinerit, taarseeqqusinerit, ajunngitsorsiassat, akissarsiat, sulianik arsaarinninnerit allallu aqutigalugit kinguneqartitsisoqarsinnaavoq, immikkullu ajortuliortoqarsimappat, soorlu peqquserlulluni assiliisaqattaartoqarsimappat, isertitsisarfinniinnermik (parnaarussivimmiinnermik) kinguneqarsinnaavoq. Piginneqqaartussaataaernermit inatsisinik unioqqutitsinernut tunngatillugu uparuaanerit inummut nammineerluni uparuaanikkut pisarnera nalinginnaavoq. Tamatuma saniatigut nunami unioqqutitsiffiusumi maleruagassat tigussaasut naapertorlugit unioqqutitsinermik eqqugaasup piunasaqarneratigut imaluunniit tamanna pisariaqarsimappat pisortatigoortumik uparuaasoqarnissaa periarfissaavoq.

Inussiarnersumik inuulluaqqusillunga
Med venlig hilsen

Ane Lone Bagger

/